

[In] nomine patris et filii et spiritus sancti amen. Ego Guido Bonicambii, legum doctor et imperialis curie iudex, cognitor causarum appellationum, que excedunt quantitatem vigintiquinque librarum imperialium, in civitate Bon., nunc cognitor cause [appellationis, que fa]cta¹ est a sententia domini Prindipartis, iudicis comunis Bon. ad causa[s] veteres, in causa, que vertebatur [inter Deodatum sy]ndicum¹ ecclesie sancti Stephani et Rolandinum Soçum de Butrio, cuius cause series talis erat: [Petit Deodat]us¹ syndicus Sancti Stephani nomine ipsius ecclesie sive collegii a Rolandino Suço de Bu[trio] petiam unam terre positam in pertinentiis Butrii prope *etc.* pertinentem ad se iure domini vel quasi. Visis et auditis allegationibus utriusque partis et testibus et instrumentis hinc inde productis et visa sententia lata a domino Prindiparte, iudice comunis Bon. ad causas veteres, et habito sapientium consilio, delato etiam sacramento domino abbati de veritate dicenda et etiam de credulitate sua, quo² dixit se credere Iustolum habuisse terram, de qua agitur, a monasterio sancti Stephani, et ipsam ad ecclesiam sancti Stephani, prout petitur, pertinere, sententiam predictam domini Prindiparte² iniustam esse pronuntio, ideoque dictum Rolandinum in restitutionem dicte petie terre ipsi sindaco nomine monasterii sancti Stephani condempno.

Utraque parte presente ad sententiam audiendam, anno domini millesimo ducentesimo vigesimo quinto, die undecimo intrante Iunio, indictione tertiadecima, in ecclesia sancte Marie de Porta Ravignana³ fuit lata hec sententia.

Interfuerunt huic sententie prolationi Gerardus Boni-
iohannis et Balduinus Çovençonis et Fredericus de strata
Sancti Donati et Albericus filius Boniandree de Sancto
Georçio et Romiolus filius Uguiti de Codicellis et alii
plures testes.

Ego Nascimpaxe quondam Petriçani filius, sacri pal-
latii notarius, interfui et predictam sententiam iussu dicti
iudicis scripsi.

1) Diese Ergänzung gestattet die Grösse des Loches.

2) So im

Original.

3) Heute zerstörte Kirche neben dem Torre Garisendi zu
Bologna.